

卷
施
閣
集

卷施閣詩卷第三

陽湖洪亮吉著

仙館聯吟集

辛丑至癸卯

八月十一日夜終南僊館坐月聽趙芝雲彈琴作

秋花黃秋月涼細步曲折行秋堂秋堂美人琴思生起
喚靜者彈秋清南山月明一千里北堂琴絃三四鳴聲
迥欲入月絃和不驚秋東西十五房蟲韻咽不流一聲
何低一聲復揚天宇乍濕微吹新霜絃淒絃切四五聲
此時秋聲畢入城江南夢遠忽歸去聽此柔櫓空中行
茫茫神明區杳杳不可攀怪靈千年巢此山有時白雲
成美人青瑣窺客垂雙鬟有時元鶴化童子丹頂未脫

邀人間風車月馭倏忽倘過此驚我忽斷忽續一一空中彈虛房無人素月團飛雨入夜青苔寒幽音欲乞紫府和空腹冀得明霞餐君不見彈鳴琴憶仙駕月宜秋琴宜夜

同作

孫星衍

秋河下映秋池清中間月出隨波盈烟中影結多時綠風裏輝流不定明秋堂主人有仙骨授簡賓僚待秋月珠履宵沾白露移碧紗暮對青山揭此時分照入千門十二閒街靜碾塵斷續城中傳析響依稀樓畔搗衣人銀屏夜落橫琴影月底弄琴琴索冷指上清光凌亂生絃中商意分明緊一彈秋月生波瀾再

彈秋花欲語言流螢乍落看還住斷雁將飛似更還
石闌前頭百重樹葉葉枝枝化烟霧樓閣疑浮海上
來風泉忽到山深處曲終月淡天爲高何處仍吹宛
轉簫一聲約住流雲影萬里魚鱗豔不銷主人尋幽
足幽思何必東山挾聲伎君不見終南仙館夜深琴
門外終南碧無際

十二夜雨坐

彈琴留白雲涼雨入今夕離離秋葵花深黃落如積閒
房雨中坐細酌尊酒白寒意吹不開空憐倚風笛
所居堂西偏秋氣亦逾冷房櫺旣深靜蟋蟀共淒愴三
更檐霧入澹此紅燭影欲展江南書先悲客秦嶺

十三夜射堂觀月

沉沉碧苔影皎皎寒潭光秦嶺上孤月清輝滿射堂
繚垣鴉點黑零棟燕泥黃一聽山陽笛行歌慘不狂
大書中得未三亡耗

馬嵬

馬嵬驛旁佛堂三楹唐楊貴妃舊縊所也今歲三月
余偕莊公子達吉至鄧縣二鼓抵此以燭視壁間石
刻斷句約百餘首率無佳者因相約出新意爲之至
漏四下各成六截句乃上馬而去

客程新自會昌回刺眼燈光宿馬嵬錯訝驪山舊烽火
一般紅燄逼人來

半晌匆匆訣路岐縱然死別不生離他時金闕西廂約
天上仍懸會面期

佛堂宵半劇淒涼清露微茫月有光漠漠紫藤牽一徑
花開猶認舊香囊

五家合隊事全非鞭馬都看出近畿猶勝宣陽諸姊妹
陳倉化作野雞飛

天教國色鑒興亡遺豕偏留官道旁一片軟紅飛騎過
豈堪重問荔支香

茫茫蜀道返秦京難遣君王日暮情只有上陽頭白女
不承恩澤竟長生

哭朱秀才潞二首

曾同原北數歸雅原樹南頭識爾家上巳覓春衣袂冷
清明吹雨帽幘斜詩從公子筵前諷酒憶瞿曇坐上賒
君側巷有草庵
僧釀酒極美零落數人重點檢兩沉泉路兩天涯歸
余及孫君暨林公子奕眠過
從最數今林及君俱下世

移榻曾依鄭廣文故人頻到手難分譚狂一夕空生死
夢冷三年靜見聞身後詩名常笑我眼中山色竟埋君
元言未就桓譚死畢竟誰傳楊子雲

十五夜

關千千尺雨聲收坐久頻看燭影流秦嶺雲高連太白
上元月澹應中秋
俗言中秋陰晴
與明歲元夕同多年客思金尊滿一
夕天風玉笛愁好把濃陰盡吹却庾公清興在南樓

同作

孫星衍

常時偏憶此宵情直到今宵客恨成如此月愁終夜
對往來雲愛一天生舊游似夢依依在酒力輸心細
細清又是芳筵忘未得芙蓉池上共吟聲

秋夜有襄崔二禮卿

蘭薰桂亦薰燭燼復思君歷亂百重嶺微茫千里雲松
窗無人夢亦幽化爲孤鴻遠相求江空離離橘柚洲天
遠漠漠沙棠舟夢君何如在君側夢苦知君亦相憶劃
竹痕留指爪青看山影入修眉碧星橋七夕祀茶瓜紅
豆間庭接砌花三層閣冷唸秋雨八扇窗開佇月華蕭
王里畔清遊寡落落朱門手誰把遠恨吹成宛轉簫秋

聲響徹參差瓦書堂歸後倚樓東詩帙翻殘興乍慵
扇綠輕秋撲蝶橘燈紅小夜搜蟲才名此日推昆季
二十崔鴻學強記交許忘年趙不虞謂味辛舍人書憐似舅何
無忌思親有日計程還重上巴陵八角灘相思應望秦
關險憶爾重歌蜀道難

嚴侍讀長明招飲分詠齋中花木

數叢牆角放無端玉色居然照坐寒應是神仙常散髮
不教收拾上星冠玉簪花

石闌干畔倚斜曛葉葉枝枝惹砌雲數到前生合惆悵
美人顏色葬秋墳秋海棠

靈巖讀書圖爲畢侍郎

公才旣大識亦先一山讀書曾十年山奇澗仄泉溜壑
石古路削雲浮天三間讀書堂昔昔坐復眠研經覈史
志力堅偉抱不欲談神仙龍蛰于波虎嘯山公時賦詩
靜掩關全湖水色看不厭一世寫入胸裏間雲窗陰陰
關不得靈氣空山潤生殖松兮栢兮百餘尺一一如茁
手中植我開名山圖綴以七十峯烟巒明滅不可識水
氣自綠巖花紅茫茫月波寒極此三萬頃長檠短檠宵
不輝空處猶搖露華影奇書讀罷手自緘山腹適有藏
書巖乃知名世本蘊蓄中外文武才皆兼公官于西昨
偶還放艇窈窕尋烟鬟兒童不識鶴偏識約畧少日書
生顏西人德公不暫忘行祝入相光巖廊觀圖倘復識

前後天末回首吳雲長人生事業固不同萬卷要在填
心胸君不見靈巖山卑不稱公須借太華銘奇功

黃二景仁以舊得宋鑄山谷詩孫印屬題卽以誌別

智永視右軍遠祖乃七世觀其筆端奇殊不愧哲嗣神
明離合偶得之不惟書然亦有詩黃生年少苦乏師口
誦祖集無一遺童耽詩祖詩長獲法孫印靈文出山雷
電迅黃生得之筆奇進二十七世六百春恍以句法傳
文孫吾家駒父有美聲合彼難弟稱三甥若論源派責
繩武內外均應奉初祖我慚作客矧多病未暇從君乞
詩譜與君離合亦可歎客則借印曾三番緜囊緘佩入
華山時君將
遊華山好句藉可通天關君不見印方以寸深數

黍有才如君庶得主聊藏篋笥貽子孫百世傳公用心苦

九月初三日雨後偕黃二孫大遊薦福寺

薦福寺中秋氣陰寂寥一輩愜幽尋唐餘舊碣苔文暗
僧老閒庭竹樹深金碧樓臺清磬響青蒼巖谷暮鴉沉
眼中歷歷皆千古留與詩人劫後驗

慈恩寺上雁塔

憶從初地擅名場閱劫來遊竟渺茫韋曲花深愁暮雨
終南山古易斜陽高張岑杜詩篇冷天寶開元歲月荒
莫笑衆賢名易朽塔前杯水已滄桑

寺外卽曲江
今凋不數步

關中送黃二入都待選

欲別復念我我歸猶無時江流入海家倘在越客到秦
寒自知同居江城中門臨北風裏三月發一書迢迢及
秋尾君言少賤耽百憂欲爲卑官已不羞長生如鶴善
俛仰莫更高視輕同儔翰林仙人瘞黃土鶴恍離巢猿
失主余與君早爲朱荀河先生所知我非憂患不克伸
兀兀何爲著書苦昨來得家書一紙猶不足妻常歸甯
兒罷讀草堂雨北西頭屋尋檐讀罷色亦怡不嫌才奇
貧亦奇吾家阿連亦志士都下索米時長饑雖然一二
年亦須約歸期傾資構草堂買石安漁磯兒童不讀書
日課種一畦君迎板輿行入官我守親墓居江干居者
自戚行者歡南溪邊北江口他時官滿放歸艘我倘持

魚壽君母

朱孝子詩

塵勞十年三駐車華陽岡南孝子家伊惟孝子家松蒼
栢逾古茅堂做三間全家讀書所我識孝子父亦識孝
子昆孝子承父兄事事求諸身欽其善氣蒸一門百鳥
就樹欣春溫妻孥不憂僕夫樂雞犬未識君家貧東門
柳條三易春我重來遊送廣文謂全歟朱廣文弟是時
孝子憂父病對我戚戚忘朝昏俄焉一刻驚死生骨肉
至痛肌膚輕抽刀揮股股肉零何言孝子非好名諱此
一割如諱刑劓鉅至死無呻聲茫茫華陽岡哭聲一何
苦麻衣唁君憶三度我歸哭母君哭父我猶能生君竟

死嗚呼華陽朱孝子

乾州馬生爲寫淩波卷子因題十二首

年華三五日樓閣兩邊春絕憶驚鴻影閒中寫洛神
書緘二十年字暗無人曉臨水覓游魚尋巢問棲鳥
破夢閒尋久松間第幾廳凭闌有深誓雲隱半天星
殷勤一紙書夜久映牕讀忽地訝光華池輝後樓燭
春愁自不同橋影隔西東一度簾簾見朝曦映頰紅
拋殘千種書祇習卿媛記縱不學神仙衫裳有雲氣
專愁病已侵長日瘦難禁不愛春花影生來百種心
門地寒如此蕭郎台受徒頻緣問攻苦開篋贈奇書
初三新月來幽徑自迷輝小膽愁逢魅沿廊吹笛歸

留茲心一寸記此谿三折尙復有相逢春船岸頭歇
悟後心常定閒中恨亦消猶餘空際影風裏帶裝飄
春愁發杏花客夢醒亭午聊復借銀牋遙情細相數
湯大令大奎以公事至甘肅往來皆過西安書贈六首
遠宦棲閩越

皇程向雍涼故人稱早達客鬢亦初蒼報政心猶昔
陰篇興較長終南山色裏留與話斜陽

三十年前望能詩獨有君閒中思數子風裏恨離羣
徐稹頻留蜀謂徐會稽錢郎近宰鄞謂錢惟餘漆園吏天

末共秦雲

謂莊似撰

所居曾咫尺岸柳不能分

舊與君皆居城東與隆里曹庵之側

古巷一條

直疎鐘兩處聞兒童尊輩行里俗習溫文社日成嘉會

初看接坐芬

余年十數歲以里中公事識君于劉氏宅

移居曾幾載蹤跡始相違我誦諸經徧君成進士歸舊書留次第新宅羨光暉兩歲消寒飲燒殘官燭輝

平生耽著述興發每忘餐事僻須頻采書成欲借觀壯心消久宦歸路憶衝寒二月春光好看山合據鞍

連江三百里風物渺相思骨相癯如此官齋清可知幾

家分薄俸

戚黨依君者最衆

一縣誦新詩正有循聲起無嫌報

最遲

終南仙館獨遊看山桃花作

閒尋古廊日數回人日已見山桃開江南驛使昨傳說

破臘尙未舒江梅原高樹古春尤早地稔年豐戶均飽
終南山色對高齋天放一株春色好春風開簾日射櫳
草根未青花已紅橋南冰判出潛鯉牆脚氣暖驚鳴蟲
苦墜桃李二十年綠鬢漸改花枝前有情誓不負鶯燕
篋底零落詩千篇山原氣候殊南北花亦因方異顏色
冶葉倡條豈共時冰魂雪魄同高格看花春首非偶然
幽賞旣愜兼逃喧園東容膝坐不厭板屋總倣江南船
君不見平園賓客春多暇妙舞清遊各消夜三更歌吹
殷地時我亦閑來坐花下

元夕看桃

元夕一年居一方接天歌吹來咸陽終南山月盛光采

一夕樓上鋪新黃崇仁坊前百戲陳雜樂共作秦聲尊
頗欣土俗樂豐歲巷少服馬居無人嚴寒初除信風勁
風裏試燈燈不定端禮門連長樂樓萬聲壓市囂難聽
連宵賓從席屢移選舞徹夜殊忘疲屏風高障碧天色
蠟泪滿堆紅地衣園南獨客愁爭逐看花欲來深徑宿
避寒三度著春衫照夢千枝列華燭牆頭月色清可憐
桃花一枝影入筵江南無此早春景自愛枕上看花眠
須臾舞寂將殘夜月向城西鵲巢下一陣簾前料峭風
遠雞聲裏寒桃謝鄉閭此時誰復留癯崔瘦蔣成俊遊
雲禮部橫塘半里足簫鼓燈火直接三元樓十年兩度清
遊寡更有汪倫手堪把甲午元夕在揚州庚子客江館
與汪劍潭同遊

雲迷宛轉簫帝城月照流離瓦

十六日早夢破書懷

正月十六天氣陰窗色欲曙聞鳴禽殘燈未滅枕書在手記卷頁勞重尋景純雖復好奇著叔夜兼不妨幽吟房櫳春思集黯黯檐角雨氣來森森眼看十日易新厯屈指百夢交寒衾蔣家高閣睡頻見堂北老杜年逾深無端童稚歎漸老一輩才調誰猶欽心雄欲狎萬奔馬氣尙曾却千黃金丈夫要可嗜聲色細故詎得關胸襟卽今壯齒已逾七坐覺客歲三交壬談經旣慚中壘歆著史亦愧山陰沉惟餘一事似朱穆欲守六義追鄒湛九州山川快登臨五嶽方寸平寄欽寥寥一編望古今

今音不操操古音三千卷在倘傳世寄此一寸空明心
十七日曉起

曉寒逼戶微吹雨柳眼欲青春不許簾開如夢見山桃
玉色亭亭尙無侶園空春氣來如絲墨雲成鱗開日遲
閒移鵲巢向北枝恐礙雙燕新來時

二十四日侵曉園中看桃作

倏然千枝開夜風桃花不香春氣濃重帷未曉已高揭
靜放花態嬌簾櫳看花背樹鵲不知鵲夢尙落東南枝
輕紅淺白漸分影曙色欲入光參差情孤意冷千回走
月墮烟寒著花久倚風一樹恍如人露眼紅顏欲回首
看花人老花莫嗔客鬢曾與花爭春年華三十事若塵

欲訴舊事無桃根

題黃石齋先生手書詩卷

斯人不賴世世實賴斯人一息不死軀天地所以存有
時而責躬時而念友昆時而誨諸子大義何諄諄我欲
起九京危苦與悉論南中劉念臺北州史道鄰八埏變
非常無過明甲申嗟哉數君子亦配殷三仁操筆爲語
言氣若江海奔雷霆走其間足懾奸佞寬誰當贖此牋
懸之國東門否亦寫百通各付子若孫滔滔萬萬世藉
以扶人倫

楊孝廉夢符泣硯圖

一方石母所藏兒名甫成母已亡泉涓涓墨池滴盡是

孤兒眼中血我遭孤露偷視息對此徬徨不能食少貧
無硯寫以罇六經手書母所傳至今罇在猶拾襲我念
親恩抱罇泣君孤此意當早識莫負區區一方石君不
見男兒負硯已可恥負親不得爲人子
慶將軍桂屬題方山松石卷子并送入

覲

憶近雲霄

天語溫十年三度拜

殊恩

詔宣耿秉趨

丹陛功定班超入玉門前部笙歌聽乍徹舊山松石記

還存藍輿小駐非無事卧看終南濕翠痕

曾騎竹馬備兒童生長鈞陶荷相公端輝第賦吳苑

佇看持使節沙堤仍望繼家風經霜塞北顏猶昔似畫江南夢乍通幾處舊遊題句徧近聞多已碧紗籠

送蔣大齊耀南歸

外家廳北記重行已苦無人喚小名冷齒尙冰寒食粥倦眸猶怕讀書檠新來烏鵲巢枝改乍長兒童口語生手授一編仍未習十年端愧望孤甥爲外祖鍾愛今手授書尙存

雜詩

淵明古奇士識者唯延之一世乏知己日唯嗟我詩永初人物誰不足供一啗柴桑五柳間寓目一何遠與其

交俗人心隔貌繼緒何似桃花源寥寥結雞犬

賈生治世才經術亦第一偶然作詞賦秦漢渺無匹惜
哉生非時世正尙刀筆販脂屠狗中宛若獨雀翔幸值
賢守吳亦識計相蒼倘欲覓賞音庶幾張子房

張耳殊庸才陳餘實烈士薰蕕本殊別何可締生死一
遂爲趙王一則死泚水後世俗益澆借交傾良朋皆張
肇其端可惜得沒身雖然夫與妻身各事兩人微詞寓
刺譏吾服前史臣

馬周值貞觀李泌逢肅代迹其遇合奇事欲出紀載桓
桓良相業洵足邁流輩臣主旣相得底蘊無不傾終始
無纖毫沒哀生則榮何以僅贈官不復得易名

宮中及府中一體皆董率小臣戲殿上夫乃宰相失彼
哉前史臣反哂無學術桓桓申屠嘉法欲斬鄧通其事
雖不行血已漬府中不學孔博山唯知殖董公

古今一石才植已擅八斗下此一萬年升合定無有如
何魏晉下代不乏作手又言晉南渡已絕第一流立論
既可嗤失色亦足羞吾視古才人皆若貉一邱

春睡

春睡覺來美窗桃發數枝無人自開卷初日上簾時

倚梅圖

春風已到江南否手植玉梅堪凭手探春消息肯孤尋
翠羽飛飛貼釵首凝寒徑雪猶封苔非具仙骨誰能來

愛花雅復識花性逸榦不遣依樓臺泠泠風放枝高處
花氣籠人亦須住剝蘚分明認舊題劃釵依約成新句
花光月露看難真月欲傍花花傍人徘徊半日不分影
袖底高壓江南春江南春到三千樹須記名花望花主
錦幕甯陰處士詩廣平已有新裁賦

宋謝文節公橋亭卜卦硯歌并叙

研歛材修九寸七分廣五寸六分厚九分額篆橋亭
卜卦研五字而左右草書云此吾石友也不食而堅
語有之人心如石不如石堅誰似當年采薇不食守
義賢也轉背右題程文海銘又右題大明永樂丙申
七月洪水去橋亭易爲先生祠扣地得之間後學趙

元硯中正書題宋謝侍郎研五字舊藏天津城西海潮菴雍正初周上舍月東焯以米易得之今湖南巡撫查公禮最所心賞歲丁卯月東搆疾時巡撫公官廣西太平府知府月東臨沒語其子持書抱研行萬里至太平以贈嗣後公官于四川十年會

皇師平金川公蒞其事常與硯偕歲壬寅公有湖南巡撫之命自四川入

覲予得謁公于陝西巡撫畢公之座因屬爲歌以紀其事云

卜卦研隨忠臣六十四卦反覆陳早識宋運終庚申橋亭邊卜卦所一片趙家乾淨土有時米盡卜亦閒讀易

無聲飲泉苦集賢銘後處士銘六十八字兼元明橋亭
東西流水清此硯欲出鏗然驚建陽城研易米得錢卽
揮得米喜海潮菴米易研瞻研如瞻昔賢面誰云石一
方重乃抵璞玉故人欲之心已諾研得所歸方瞑目嗚
呼研兮前身不從謝信州後亦不殉程趙周物經百劫
復得主光彩早歷天西頭臣忠友信兼生死抱研來還
知孝子攜經萬里越百川研兮得完人足穿君不見研
今隨公不離側軍中十年尤著績飛符四調糧草檄屢
殺賊三爻六爻有時卜一詠一吟隨所適平生亦聞周
月東今不見研先交公研修九寸一寸厚聊成一卦卜
研壽書繇辭作研贊海水枯石不爛

贈花圖爲嚴公子觀賦

嚴公子姪人袁子才先生青衣也公子悼亡後先生
舉以爲贈因繪贈花圖係以四詩公子索同人共賦
云爾時壬寅八月十八日也

秋社分明日欲斜肯容燕子到天涯生來不出烏衣巷
長自王家嫁謝家

一卷曾披金石文

公子有金陵古刻叢鈔

玉郎才調信無羣奇書

校罷還題句可寫新裁簇蝶裙

識字偏多性亦柔談經帳後十年留鄭家詩譜聽曾慣
他日傳來與阿侯

安石筵開酒百壺春名桃葉記曾呼他時倘放江干棹

更有桃根贈我無

二月十四日自西安送蔣三知讓至臨潼試華清泉並
上驪山絕頂侵曉復酌酒爲別因口占送之

灞橋楊柳春風青南山桃花錦作屏看花溯水不知遠
送客過盡春風亭正逢驪山明月圓華清宮中試湯泉
閒從栢路至絕頂天半檐鐸風冷然飲酒亦不樂獨謠
殊自傷馬頭明日落花片指點別路愁孫郎城南小史
翩翩影謂郭別有春人夢難醒花過二十人半生人縱
欲愁吾齒冷東瞻太華雲千盤一條清光露欲圍三更
腸好眺烟景道士催客局柴關來時一山烏鵲飛去踏
松頂驚巢棲君不見驚鳥初啼慘將別且酌驪山半山

月

十九日姚按察願招集冠山堂雅讌卽席賦呈並送至
湖南新任

花朝送客青門東柳絲濛濛一萬重柳絲迷雲花匝路
月光如花亦穿樹穿樹明月光愁人月到十九花初春
風光如此復愁別冠山堂裏離筵陳昔公建節來湘川
取士一一皆蓀荃外臺聲名更煊赫三月欲上春江船
離心明日長亭道難遣圖中舊花鳥葉底琴聲枝上陰
可憐都似江南好平泉賓客氣肯降公也愛士尤無雙
春燈滿前酒百缸思渴頓欲傾春江春江江頭采蘼蕪
黃陵廟前啼鷓鴣楚天千里清且都此景却憶秦中無

秦中幾日雲愁結太華終南渺傷別車前送者百輩喧
回首中條色清切憶公日日來花前公所手植姿尤妍
紅闌十二好遮護待取歲月枝參天轉愁三月春如許
公去花前復誰語別夢都牽楚澤雲挂帆來聽瀟湘雨

附同作

孫星衍

冠山堂中列紅燭主人有酒傾百斛中丞夜呼客論
文客醉不歸靜寄園節署春風吹愁散懷抱座上才
人各英妙平原孟嘗並一時却望長安共西笑千金
招賢東閣開千金買花池館栽看題捧硯盡紅袖潑
墨試取青眸回桃花千枝弄容悅欲奪尊前酒嬌色
一聲豔曲飛上天明月白雲行不得獸鑪紅深三寸

灰那信急雪凌春來停歌出戶一驚顧醉影忽落瓊
瑤臺雪光朝朝花暮暮愛客筵張日三度明朝花落
雪還晴主人遷官客岐路終南雲生入洞庭客送主
人霸上亭回紅轉綠不容惜去去爲國馳威名尺書
問訊衡陽雁何日東山續歡燕園深花發客愁來此
客知公亦稀見

清明日偶成示孫大

一春曾未見流鶯屈指韶光數漸盈新月如睂過寒食
東風吹雨作清明無多簾影牽塵夢不斷楊枝綰別情
知否白雲谿畔路半陂新水踏歌行

花時四面啟疎櫺花氣穿櫺夢易醒春樹乍遮千頃綠

南山只放半樓青
回廊雨勢添簾潤
隔院禽聲怨戶扃
最是昵人連夕醉
水邊人影柳邊亭

癸卯三月十六日孫大將人都並車送至灞橋折柳爲別
因憶己亥春孫大送我石城東畔至此已五年矣
感而賦此

石城東畔臺衣處
灞岸西頭折柳時
人世五年重惜別
春風兩度費吟詩
才人學道狂應減
村酒澆腸醉始知
今夜灑山正圓月
未嫌清夢逐君遲

歸臥孫大書齋讀所著山海經音義却寄一首

憶君重臥草玄亭
對燭攤書戶早扃
豈意異才逾郭璞
未因狂醉失劉伶
閒中花鳥探羣雅
悟後文章似六經

應愧故人耽著述一編留與濟心靈

附留別詩

孫星衍

翩然歸騎出青門草色長亭綠未勻不信朝朝花底
醉東風偷換六番春

不斷霓裳按曲聲無邊銀蠟徹宵明歡餘醉裏成書
易紕繆何曾似子京

洛下東西屋接聯等閒人望若神仙未妨皇甫輕居
易日日危談動四筵

予與嚴道甫錢獻之洪穉存王秋塋客節署嚴久議論時有不合

鎮日瓊筵錦瑟傷人言書記倚疏狂黃金擲得休嫌
重只費長門字數行

紅燈和月影參差每日閒街罷宴遲守尉平生多狎
侮不妨馬上細吟詩

城南風日入秋清憶得攜朋落拓行雁塔聯吟一長

嘯本來李杜不題名

黃仲則游秦曾與群
存及予訪城南勝蹟

識字時時一座傾著書往往食時成傷人漫說狂如
故北海如今薦正平

雲山須作少年游處處韶光要客留灞岸春風石城
月梅花應笑柳枝愁

卷施閣詩卷第四

陽湖洪亮吉著

官閣圍爐集

錢大令汝器知武功臨卒之日自言當爲汾河神孫大星衍後適汾州因爲文祭之並邀余作詩云爾

昔者巨卿死友厥有素車之馳子文酒徒無損成神之骨恭聞故實不謂逢君曩以燕遊妨君小節圍花作縣傾穴移金桃分子瑕之筵手進囊成之袖一日則古疑無死千秋則蒐猶樂思無何越人大去淒涼山木之心向生重來墮淚山陽之笛宛其入室喪予平生然而文翁之知亡日燕飲如常子通之令太山

妻孥有夢雲旗畫接鳬鳥宵飛彼汾一曲如玉娛戲
之方姑山藐然神人翔泊之所僕後車日載五嶽遊
來渡妒婦之津過臺駘之廟所思予美忽藉君靈避
近壺觴徘徊祠宇方異靈衣羽葆損爾尊嚴散髻斜
簪助予跌宕烏乎參差誰思猶揚楚江之靈絃歌赴
節尙涌舒姑之浪我懷如夢君豈忘心倚玉何時模
金宛在況復愁加岐路悲甚生離靡無感再逢之難
桃梗被漂流之笑罔兩問影慙先後之無期丹朱馮
身庶歡娛之有託澆君壘魄保此嬋媛知我幽冥庶
其歆饗

故人不特多高秩闢廟作神今六七洪厓不僊有奇格

留作廟中酬酒客今晨得讀孫子文欲傍汾水爲招魂
生能痛飲死廟食倜儻不負錢王孫花枝英英開滿堂
憶初逢君興飛揚君言得閒且引觴爛醉卽卧花枝旁
別來春衣墮秋霜此語濶達殊難忘君不見歌千聲飲
百場少年有願須先償旣入神籍安能狂

華清宮故址聯句

甲觀推三輔

鎮洋

離宮溯盛唐邑當秦內史

長洲吳山

秦來

作古陰康統自先天禪

江甯嚴

祧承五葉昌麾戈綏國

步陽湖洪

負斧振王綱百度依皇極

陽湖孫

諸臣凜憲

章封巒兼泰華

長洲吳

拓地盡河湟上理幾元化

沅真

靈降帝鄉長生期縹緲

素來

中禁厭周防懿此邦之右

長明

隗其鬱以蒼根蟠西土厚

亮吉

陰逼午雲涼嶺半

分星宿

星衍

峯多雜雨暘懸流明鏡夾

紹昱

注壑委紳

長濺霧晴難覺

元

沍霞曉不遑巖端呈絳闕

秦來

樹杪

架飛梁萬戶銅交鎖

長明

層岡粉界牆百司環近陞

吉十宅錯回廊花萼迷前路

星衍

星躔接九潢跋烏光

隱映

紹昱

支鵲影微茫七技鳧依藻

元

千官鶴引吭鏗

鐘蚪拂郁

秦來

開扇雉飄颻珠鞞驕三國

長明

金羈闕

五王煒衣同輦侍

亮吉

黃繖一輪張大駕方逾眇

星衍

前驅已過閭受朝簾箔暗

紹昱

頒朔瑀璜鏘蓬觀私榮

李

元

沙隄黨植楊陳辭無董勸

秦來

懸象有禎祥翹葉

調元漠

長明

宮商儼贊襄高呼中谷應

亮吉

天語隔烟

詳陟降由旬島星衍低徊十六湯星津詞鄭重紹昱月

地幸彷彿紫玉裁為邃沅青霓想作裳樓臺長結霧素

來卉木不知霜昔在恢基日長明由來閱武場唐白居易

六年始幸溫湯枝獵於驪山嗣是著為令典穹霄乘作肅亮吉外事用惟剛

衰草無邊白星衍驚沙一片黃英雄歸駕馭紹昱飛走

識騰驤叱咤風雲氣沅趨趯劍戟光熊彪相顧盼素來

狐兔敢遮蔽藉使韜鈴習長明兼令士馬強載惟思尙

父亮吉諫不拒東方隙駟俄成逝星衍從禽遽兆亡錄

纔淪洽鏡紹昱柄蚤失干將養虎真遺患沅封狼肯受

戕三塗容易裂泰來四扇苦難搪火箭飛黃屋長明金

戈指御牀親征詔元降亮吉下殿議先倡貂珥陪行幄

星衍 蛾眉勉急襄將軍何跋扈 紹昱 天子太傍徨殺氣

橫官路 沅 陰風慘佛堂白飄三尺練 秦來 紅斷一枝棠

掩袂辭孤驛 長明 銜枚走北邙帝車聊蜀道 亮吉 天意

自儲皇內草方傳命 星衍 前茅已劃疆蚩尤行就僇 紹

昱 黃道復當陽司隸章重靚 沅 勾陳氣載揚九河供洗

甲 秦來 八駿頓迴韁去似春難別 長明 來如夢未忘翠

微晴歷歷 亮吉 新漲綠汪汪潏潏浪猜鳴佩 星衍 宮花罷

晚妝安從鸚鵡問 紹昱 酸遺荔莢嘗錦襪愁雙掩 沅 金

釵淚一行星仍迴七夕 秦來 雨祇怨三郎短景勞催馭

長明 長星勸舉觴軒弓看欲墮 亮吉 秦壁待誰襍有客

歌長恨 星衍 含情訪未央陰符資聖姥 紹昱 嘉頌第元

暮氣候三春盡

沅

虛無一徑妨坐憐斜日瘦

秦來

行愛

野雲翔蹇產金仙閣

長明

紛縕玉女房檐虛凋菡萏

吉瓦闕破鴛鴦冷蕊低妨帽

星衍

么荷緩挹漿暗紅流

不散

紹昱

真艷洗猶香守吏邀傾蓋

沅

耕民拾墜璫探

懷惟古意

秦來

發韻總清商舊史書承統

長明

綬猷倚

峻良如何三紀盛

亮吉

旋致髦期荒重色原傾國

星衍

由奢每積歿存亡機自決

紹昱

修短運靡常幾見宵烽

誤

沅

空悲夜市忙何因降西房

秦來

堅坐話滄桑

長明

周忽鼎聯句

銘及釋文

佳

唯

王元年六月既望

古朔望字從臣望遠字從亡不同此用正字

乙亥王

才在周穆王太口口此行十八字許慎口籀曰智論語

忽漢書古今人表作仲智許慎說文解令命古用女受

更乃且祖考蜀治卜事易智赤古爾雅以為即環

口口同用事王才在遷此字上從省文中作又從

文遷居井鐘鼎家皆以井為邢案周公子所封那侯

伯穆天子傳有井利泰有井叔易錫智赤全禮天子用璽

采即璽字三智受休口口上同王智用絲金作朕文孝

通寢解字有完云古文作爻此從完從白伯璽玉篇云

亦作璽案解字有璽牛鼎智其萬口此行他用珣示

作子子孫孫其永寶

右共八十一字蝕者七字存七十四字疑者一字

佳惟王三四月既生霸霸字從月從犇所謂月始生

用正辰才在丁酉井叔才在異應是地名敢口口此字行

字事子玉篇云及小子贅應是贅字此字三以限訟于井

叔我既賣賸女五口口上父用斤馬串絲限訟曰比則

畏我賞古無償字馬效口口此字行十七畏復乃絲口此字

蝕效父匱訟敬曰于王夢門口口此字行共木枝用責

祉徒賣賸絲五夫用百爰卽銕字銕者銕也古者以二

三銕鄭康成注許慎說文解字云銕銕也今東萊或以

大半兩為銕十銕為銕銕重六兩六兩大銕陸德明音義馬融

刑其罰百銕偽孔安國傳六兩曰銕陸德明音義馬融

云賈逵說俗儒以銕重六兩周官甸錫重九銕俗儒為是

鄭卽不用六兩之義故以許書及東萊云為証許氏之

學卽出子達故達亦以六兩為俗說馬融則直用之矣

小雅曰二十四銖曰兩兩有半曰捷捷曰舉倍舉日

銕謂之銕亦承馬融之誤史記周本紀銕作率是借

字又平準書有白選漢書蕭望之傳有金選亦並卽錡
字尚書大傳云夏后氏不殺不刑死罪罰二千餼餼亦
與選字同蓋餼卽選選率卽錡而錡與餼同義也古者
贖罪每云錡亦云餼此小子微與井叔作罰罪之詞故
亦用此
字耳
大卽別
出五夫口口上同罰匭口又君眾豈全井

叔曰才在王口此字匭賣贖口口此三行共不迭造叔從

從又又與手同卽解字之并字名毋畏盛從戌下二于比名則拜詣首

受以王存又切韻五口此行疑餼曰墮卽墮字古曰更

恒曰龍曰口此字詳曰相事爰以告比匭畏口此行共以

名尊返仲傳父鼎有盈云羊以茲三爰餼用到以茲及

名匭每借爲于比口口此行十九口口此舍轂轂夫五

秉曰才在尚畏處處乃邑田比則畏復令命曰嚮諾

右共百有八十二字蝕者二十一字存百有六十一

字疑者一字

簪昔饑歲匡眾及臣人私夫寇智禾十秭韓詩曰陳穀為秭解字曰

數億及以匡季告東宮西曰尤乃及乃弗退尚書我興受其敗解

字引女匡罰大匡西詣首于智用五田用眾一夫曰棟

作退即益字解字有盛云籀文作菽漢書百官表佾益字亦作菽用臣曰專勇口胡恒曰

真真為即鄭字又古文以日用纆茲三四夫詣首曰今即余字解

舍省聲以此論之是從舍省矣喪無西則寇是口此字不可

古文余不必從舍省矣未詳余曰或以匡季告東宮智曰才在唯朕口此字

賞償東宮西曰賞償智禾十秭遺十秭敢人私秭口

鉗字秭或弗賞償則口此字半山此字秭西或即智用

田二又有臣口此字月伯庶父敢有月薛用即智田十

日乃五夫召受匡山

此字未詳

右共百有三十七字蝕者四字半蝕者一字存百有三十二字未詳者四字

鼎高二尺圍四尺深九寸款足作牛首形藝文類聚引三禮鼎器圖云牛鼎容一斛者是也銘分三節第一節蓋因王錫忽赤環赤全璫等而用金作牛鼎以祀文考宥伯也第二節則小子歡與井叔訟以金百爰贖五夫忽受五夫而爲誓詞也第三節則匡衆寇忽禾十秭忽告東官因與匡季爲誓詞也合四百字乾隆戊戌歲巡撫公得于長安屬坵爲釋文土花厯錄不盡識也旣命工鍤剔字蹟顯露因以偏旁證之

古籀而可辨者咸得焉巡撫公矜此幸存與同幕士
更唱再和成聯句一首以坵如豫章之識韓城鼎也
令畧疏文意兼紀由來書于詩後若夫字畫難稽或
磨泐未析則從闕疑之例云壬寅之二月十有五日
錢坵記

陳倉石鼓昔初得

元

韓始欲歌辭不敏偉哉斯鼎晚方

出

素來

坐使才人俊難忍鑄成二尺徑四尺

長

明字或

如螭又如蚓東坡欲讀歎塞默

亮吉

南仲如尋有鵠儻

賴通六義求偏旁

星舟

頗涉百家知的淳文云生霸合

班志以霸爲鼻差可引

元

又云賞

平

馬証許書有賞

平

無償乃其準推尋井氏得穆傳

秦來

考驗王居值京尹

同名不嫌或齊忽

長明

去古未遠猶稱朕信知穆後有

共宣

亮吉

不到周餘入獫狁豐宮當時大裕稀

星衍

重

器昔聞陪業箕銘功示世真恢奇

沅

覆鼎入門何轉啟

六卿無事飽公餽

秦來

同姓駿奔分社稷百鈞涵牛自

腹濶

長明

半面鑄饗尤目眦雷雲舊制匝糾結

亮吉

彩

翠細文浮癰胗薦之仍几承以黼

星衍

佐以莞筵續之

純巧倕如過訝斲指

沅

力士試扛曾絕臚豈知楚問至

邾郳秦來

早見秦謀動儀軫子孫永寶嗟云云

長明

匕

鬯一驚憂惹惹遷都已謝挈瓶智

亮吉

入泗還聞貢金

隕休屠出世先崢嶸

星衍

長翟模形亦輪囷此時此鼎

落何處

沅

藏壑藏舟守其牝咸陽原頭赤流燒

秦來

渭

水都前綠封畛曾鄰馬冢勢隍杌

長明

留鎮終南骨嶺

嶙誰云有耳竟沈埋

亮吉

幸免折足遭牽糾宜和大索

究誰獲

星衍

神物欲降須天允時清一出世方寶

亮吉

際多年氣成蜃廟堂之質古所惜

泰來

草莽如遺孰當

愍試讎經傳識科斗

長明

藉埽俗學喧電匱泥沙乍脫

尙斑駁

亮吉

顏色驟開還艱鱗靜思世事直奔駒

星衍

却愛字鋒仍畫隼與君拂拭過銑盪

亮吉

使我摩挲類珉

珉焦山鼎存苦狹陋

泰來

吳郡地大空隱賑靈巖之山

水之涖

長明

積翠疑鬢黛疑鬢明駝千里好移致

亮吉

錦罽十重宜載稠詎因嶠魅避光芒

星衍

要伴金仙置

闌楯鈞金摩拓動都邑

亮吉

闔縣傳看走愚蠢便從空界

與山壽

泰來

不共恒沙隨劫盡高齋古色燭鬚眉

長明

祕室清吟鉢肝腎成詩或讓侯喜奇

亮吉

識字庶謝楊

雄晒星衍

開成石經聯句

并序

唐刻十二經及五經文字九經字樣在今西安府學
後舍通計一百二十有八枚按宋黎持記石舊在務
本坊天祐中韓建築新城委棄于野朱梁時劉鄩守
長安從幕吏尹玉羽請輦入城中置唐尙書省西隅
汲郡龍圖呂公復徙置於府學分爲東西次比而陳
列焉明嘉靖乙卯地震石半摧陷

本朝康熙庚子曾經裒輯未蕝厥功乾隆壬辰中丞

畢公持節開石釋奠伊始詢訪古刻見下宇傾圯植
石零落顧瞻悚息旋於榛莽鏤會復得遺刻數十方
爰議修建堂廡排比甲乙分植其間用以侈錫方夏
垂示永久竊惟經典所以載道顧道雖無窮而器則
有倣石經肇自炎劉熹平所立凡四十六碑魏正始
間仿之所謂一字三字諸刻久隨運代遷徙至後蜀
一成都宋開封臨安並有撫勒今惟祥符僅存四石杭
郡僅存八十七石而已夫書原稽古易著觀文竊歎
古今鑒藏家偶得宋元剞劂叢書別集每相珍惜夸
詡矧夫聖謨古訓復爲唐賢校勘書寫勒在堅珉垂
諸東序天球大貝其爲寶貴當更何如而世之人往

往未暇顧此其得謂知所先務者耶壬寅春正月上
丁中丞致祭

廟廷同人咸往觀禮竣事後循覽貞石相與共賦長
律一章以志其事凡八百字并屬泰來書於碑末用
代題名云爾

孔壁羣經在

沅

斯書八體更請觀唐太學

長明

直紹漢

東京伊昔乾綱振

江甯

初因

泰道清殷憂開福祚

坊仁讓戢戈兵發迹同陽武

亮吉

除姦過子嬰允員裁

伎術

星行

隻日見公卿馭世方多暇

沅

司天亦有禎李

充陪釋奠

長明

翟黼奏開黃祕閣東西列

復純

遺編甲

乙呈其時冬十月

坊

二載號開成鳳漏傳深禁

亮吉

天

香雜佩珩軒莢臨斧底星衍稷契掌機衡先鄭原遙胃

沅臣覃敬署名備官兼祭酒長明乞上法熹平拜表稱

干冒復純鋪墀久屏營五三經足屬姑百六卷從橫帝

曰嘉斯績亮吉疇咨展乃誠宿儒須日拔星衍天語自

風行識藉揚雄治沅讎資子政精校量秦博士長明趨

走魯諸生法變陳留蔡復純形摹下杜程殊文刪因因

卽日月唐武新字戒靈續鸞吳樣自由元度亮吉

音仍用德明選毫知免泣星衍驅石有神驚一一蒲車

載沅堂堂露闕盛琅玕交動影長明絲竹暗藏聲元白

真藉口復純韓裴欲眩睛扇天當北戶姑切地倚南榮

峭似崩雲駐亮吉駢疑駭浪撐蛟龍時攫畫星衍奎壁

夜晶瑩煥矣依天府注巋然鎮斗城卜年傳萬萬長明

碩畫自庚庚豈意壇山石復純難藏汲縣坐斯文愁一

墜北大厦竟同傾節角蕤苔蘚亮吉棧題竄鼪鼯流傳

多贗版星衍剝落半沉阬一片從樵牧沅何方避鼓鉦

代移應鬼守長明時去懼雷轟有客來開府復純多年

此駐營使君終好武北幕吏竟非儉便訝摧爲礫亮吉

翻成愛似瓊聖經危更續星衍物理否還貞浮世直過

隙沅嘉賓等食苹竭來同訪古長明悵好值新晴萍水

深浮藻復純林鵠細學鶯偶因尋蠱負北復此觀崢嶸

鈎勒曾緘篋亮吉摩挲獨倚棖升堂欽禮器星衍忘味

等韶龔與士爲模楷沅伊誰覆棟甍時清修廢事長明

公德及斯氓

謂中丞

手自披跌額復純

心憐共瓦錯護加

丹楯麗

出

帶土花頰石鼓初遷地

亮吉

蘭亭頗覆罍

是碑猶磊磊

星衍

試擊尚硜硜賴子窮三體

沅

因公更

一鳴許書時不用

長明

周籀俗何輕响史譏非妄復純

參功詎合旌爲求文歷歷

地

直使意怛怛有口初嫌士

對字从口

漢文帝

三田竟易晶

疊字从晶

王罔非秦島

改秦島

字用罔

非多景葛書并

影本

作景葛

洪以此

諸經易

沅

能無下士爭書循安國僞

長明

傳亂左邱盲

九易惟從費

復純

三詩直取亨雅詞加蚩鳥

蚩音

禮

本失濯髮

古文

作

玉筍非無伎

亮吉

珉材若待評時

如追史佚

星衍

隸豈守秦贏

當代開蓬館

沅

呈書及晏楹雅流胥薈萃

長明

藝術有

根莖藜火虬檐澈

復純

仙才虎觀盈百家刪稗莠

地萬

卷別瑤瑛論列須公等

亮吉

招要盡國英陽冰曾獻東

星衍

江式有餘情玉燭調方久

沅

露電

長明

宋刻久榛荆

作聖誠超古

復純

如川一到瀛卑唐徒爾爾

地

韻韻揖讓黃虞夏

亮吉

翺翺頡頏彭魯魚迷早辨

星衍

科斗寫誰令舊刻爭留詠

沅

新材待發矧大書重作貢

文治翊恢宏

復純

集終南仙館觀董北苑瀟湘圖卷聯句

圖以謝元暉送范彥龍詩詞底

張樂地瀟湘帝子遊二語爲境

一綠千里何迢迢沅人烟不接水氣驕秦來雲霞今古

見復消長明天若蓋笠峯覆瓢姑扁舟胡來波上飄亮

吉絲風微吹絲雨掠星衍前有雙姝顏若茗沅下謫經

歲猶垂髻秦來仙骨一束從風搖長明欲出天外難招

要姑坐中一人衣帶影亮吉華蓋柄曲星垂杓星衍瑤

罕戍削侍從沅乘風而來氣忽飈秦來得非有虞從

二姚長明往帝七澤都三苗姑從舟三人靜不囂亮吉

綠袂乍舉朱唇歆星衍排笙絙瑟相和調沅始若有某

終無聊秦來將毋楚人爲楚謠長明傾耳欲聽心搖搖

姑萬象匪意所及料亮吉零陵內史仙格饒星衍新亭

促別心焉忉沅詩非沈約廼謝朓秦來想涉太古神寥

琴

長明

憑誰意會來生綃

姑

鍾陵仙人官庶僚

圖志見

源

鍾陵人

微軀遠寄如鷓鴣

星衍

中洲北渚時逍遙

瀟江湘江初上潮

泰來

水色欲盡天爲繚

長明

其下雜

插蘆葦蕪

姑

間以弱柳垂烟條

亮吉

一千年前新月嬌

星衍

遠映漁子來巖腰

沅

若蛛網人繡蛸

泰來

目所

到處神與超

長明

直宰上訴誰遮邀

姑

靈均墜魄已莫

招

亮吉

王郎經湘亦復天

星衍

蛟宮龍堂悲寂寥

沅水

底大集文壇最泰來

靈珠出握光入霄

長明

以日爲夜

星爲朝

姑

幻作墨寶猶騰煥

亮吉

翻飛落手豈倖微

衍裴之古錦匣亦雕

沅

東西北隨使者軺

泰來

秋堂展

翫清以謬

長明

題詩媿比英威韶

姑

直須大斗胸中澆

亮吉爲公浮白歌離騷星行

消寒一集登靜寄園平臺望南山積雪分賦得雪字

層陰凝高齋淒念集素節凌晨瞻終南歲宴已飛雪華
筵撫時序瑤館坐超忽凜凜朔朔風沉沉眺遙闕微黃
辨清灞積素連太乙塵井何鬱紆川原互明滅幽人來
若鶴深徑望疑月心空冰柱響耳訝竹梢折豐歲諒可
占晴陽盼方切

消寒二集同人集姚觀察頤冠山園分賦齋中草木

水仙

海客歸無計江花見有情遙蹤同水國小草得仙名一
種忘言契先春與目成簾疎莫遮却新月影中橫

天竹

簣簣影不同千點亦玲瓏秋實偏憐小春花欲讓紅拂
闌朱粉暗映樹火星中自覺冬容淡移瓶插數叢

木瓜

一種香偏永踈簾曲几傍殷勤何以報轉側敢相忘木
性還經歲瓜期已履霜青門一樽酒風味許同嘗

蠟梅

素心誰與侶宴歲獨含葩香冷回殘夢塵昏隔故紗過
秋疑剩葉籠月似無花燒燭須頻看羅浮信正賒

消寒三集吳舍人泰來招集講院席上同賦食品二首

鐵雀

銅標鄴中記玉集魯東家似此名先遜還應味可誇以
珠彈乍惜似鐵鑄非差十月綿初重千頭炙欲賒成羣
來塞磧洗處落邊沙大厦蹤曾託空倉粒競譁覆車還
共取墮網亦誰嗟骨碎登樽俎肌豐佐齒牙蟹螯鋒欲
避雞距銳甯加異物餐難數吾生欲有涯未妨調肉糜
稍足點薑芽食罷興三歎門前數晚鴉

銀魚

小言真可賦微物信堪憐種匪來銀穴名真壓錦筵形
輕團柳絮影細貼榆錢未覺盈筐貴初看布網連吳船
珍乍寄越客嗜尤先漑釜難渝色和羹詎改鮮晶鹽看
乍點甘雪試同煎夾箸慙三兩隨波憶萬千餘芬還沁

齒薄味轉流涎偶帶冰霜質相忘江海邊塵情聊自遠
鄉思暫教牽何日吳王膾登盤得比肩

消寒四集十二月十九日爲東坡先生生日同人集終

南仙館設祀并題陳洪綬所畫笠屐象後

誰攜玉局堂前酒七百年來爲公壽中丞愛公才似公

邀客設祀高齋中高齋玲玲憂檐鐸壽公無詩公不樂

公生于蜀卒在吳吾鄉一樓還號蘇東坡先生外家舊宅有樓爲蘇先生于樓上人傳樹古樓亦古公昔撤瑟予懸弧童

年學句殊清瘦詩法從公夢中授樓前溪水百尺流公

前艤舟予放舟憶公登金山謁公入黃樓十年三度祀

公處畧識清潁兼杭州平生憂樂誰能悉盡裏蒼然見

公處畧識清潁兼杭州平生憂樂誰能悉盡裏蒼然見

鬚髮公也何心詠螭龍天乎賦命遭磨蝎世人雖知公
未若公自許東京黨錮范孟博北海奇人孔文舉無端
在世厭世名飄然上天作列星衣裳怪底切雲霧雙屐
一笠浮空青我于公舊公宜識陽羨書生住谿北公思
陽羨我思鄉江岸田荒歸不得瓣香到公應已知天上
樂或忘年時烏臺舊案公莫思紫府且復吟新詩
消寒五集嚴侍讀長明招集寓齋分賦歲事四首

掃室

居然一室住經春嬾學嵇康得性真蛛網布來無隙地
燕巢移去擇嘉辰窗濃未拂雲山翠簾冷猶棲京洛塵
眼底乍看陳迹淨檐前鵲語亦懷新

烹茗

爐響閒從竹裏聽
霜華初試酒初醒
參差烟繞屏風碧
深淺山從穀雨青
渴思幾番憐永夜
空江千尺憶中泠
終嫌結習除難盡
訂罷茶經又水經

試香

數種貽從西域遙
拈來仍與栢同燒
故人一瓣心空寄
繡被經時氣未銷
渾惹凍雲來冉冉
放隨清夢去迢迢
酒痕滿漬征裘敝
且復濃熏度歲朝

糊窗

近刪竹葉通朝旭
欲易桃符感歲華
作賦十年餘故紙
簾詩四壁換新紗
爐烟已隔香空篆
檐鵲難窺語下譁

一榻琴書幾回睡早看晴色上梅花

消寒六集同人集花鏡堂分賦青門上元燈詞

桃塢南頭閣一層坐來春夢尚曹騰休嫌青鬢風前改
十五年看客裏燈

蕭郎清興本無端幾度添衣備夜寒拋却廣場千頃月
却來城市覓燈看

坐來不復按雲笙自理三絃撥玉箏休放吳歌惱清聽
四圍筵上總秦聲

更聞一騎去匆匆衣上香飄葉葉濃行到北樓人海沸
開元坊裏戲魚龍

小徑行來避市譁生疎還怕路頻叉蝦蟆陵北寒塘側

月午閒看隔院花

踏歌聲復轉城東樹影微茫月影空一盞佛燈同劫火
慈恩塔上夜深紅

漢宮餘瓦尚參差遺事惟因故老知想見殿頭傳蠟燭
不教明月擅秦時

城西古寺足勾留煮茗清宵話勝遊歸騎忽驚春月暗
南山晴雪照危樓

留髭筵上酒頻堪檀板聲清我尚諳客散未教春睡穩
夜深簫鼓在樓南

頻燒紅燭待孫郎醉後閒眠六尺牀遮莫歌筵苦難散
五更催着舞衣忙

消寒七集招同人集朝華閣分賦長慶集生春詩四首
小樓

何處春生早春生在小樓月中簾影上風裏笛聲柔綠
意枝梢破紅情燭畔流三更乍聞語香氣落牆頭

畫廊

何處春生早春生在畫廊一雙人影瘦十二曲闌長掃
壁雲濤湧巡檐月露涼微聞屨聲近知欲探疎香

遠山

何處春生早春生在遠山多時看窗影幾日驗眉彎地
覺晴雲上天將空翠還遙遙數重樹先合夢中攀

曲池

何處春生早春生在曲池水紋開宛轉魚眼動參差舊
夢牽萍葉新愁颺雨絲凌晨卷簾看波影上來遲

消寒八集同人集小方壺賦憶梅詞

一年看梅在廣陵平山高下樹千層寒冰乍削波中鏡
碧月初圓天上燈一年看梅在姑熟二月花光艷溪曲
避冷人登白紵樓尋幽艇放青山麓曾尋梅信到錢塘
前後山光接水光幽窗與宦論高格石屋隨禽嗅冷香
富春江郭潮初上千樹垂垂亦齊放此水東流我復西
晴波影裏踈枝漾錢塘歸後住江邨更載梅花向白門
刺史宅邊餘幾樹可憐樹樹識吟魂家園亦住梅前後
只惜花時客行久驛使頻看寄遠音明年花放人歸否

百旬爲客住京華十月先看深窖花園空陸弟吹簫冷
枝小崔郎壓帽斜愛梅不合秦中走待得花時憶花瘦
夢裡分明見折枝閒中寂寞眠清晝我賦新詞舉玉樽
梅花深館寄汪倫

劍潭舊宅
有憶梅館

舊東門外三條巷臘雪今
餘幾樹存

消寒第九集同人出西安城西南訪第五橋故址回途
至香積寺小憩約賦六言二章分韻得長頭二字

初三月色雖好第五橋名已荒雲與石厓共削客同原
樹爭長

香積寺中午飯樂遊原上春遊水脉欲尋龍首岡形忽
現牛頭

回途至牛頭寺
以日晚不果入

曾孫用懃校刊